

Ո Ր Ո Շ ՈՒ Մ

ԱՆՀԱՏԱԿԱՆ ԴԻՍՈՒՄԻ ԸՆԴՈՒՆԵԼԻՈՒԹՅԱՆ ՀԱՐՑԻ ՎԵՐԱԲԵՐՅԱԼ

քաղ. Երեւան

16 փետրվարի 2009թ.

Հայաստանի Հանրապետության Սահմանադրական դատարանի 2-րդ դատական կազմը նախագահությամբ՝ Հ.Նազարյանի, անդամակցությամբ՝ Հ.Դանիելյանի եւ Ռ.Պապայանի, քննության առնելով ՀՀ քաղաքացի Ռուբեն Թորոսյանի կողմից ներկայացված դիմումի ընդունելիության հարցը

Պ Ա Ր Ձ Ե Ց

1. Քաղ. Ռուբեն Թորոսյանը դիմել է Սահմանադրական դատարանի (10.02.2009թ. մարից թիվ 4-43) վիճարկելով «Սահմանադրական դատարանի մասին» ՀՀ օրենքի 29 եւ 38 հոդվածների 2-րդ մասերով, 69 հոդվածի 6-րդ մասի վերջին նախադասությամբ եւ 10-րդ մասով սահմանված դրույթների սահմանադրականությունը:

Միաժամանակ, դիմողը միջնորդել է ազատել իրեն պետական փուրք վճարելու պարականությունից՝ «Պետական փուրքի մասին» ՀՀ օրենքի 22 հոդվածի «ժդ» կետի հիմքով:

2. «Սահմանադրական դատարանի մասին» ՀՀ օրենքի 69 հոդվածի 1-ին մասի համաձայն դիմումատու պետք է հիմնավորի իր կողմից վիճարկվող նորմերը («Սահմանադրական դատարանի մասին» ՀՀ օրենքի 29 եւ 38 հոդվածների 2-րդ մասեր, 69 հոդվածի 6-րդ մասի վերջին նախադասություն եւ 10-րդ մաս) կոնկրետ գործով իր նկատմամբ կիրառվելու հանգամանքը՝ ընդհանուր իրավասության եւ մասնագիտացված դատարաններում գործը լուծող վերջնական դատական ակտի հիման վրա, որպիսի ապացույց դիմողը չի ներկայացրել: Բացի այդ, «Սահմանադրական դատարանի մասին» ՀՀ օրենքի 27 հոդվածի պահանջներին համապատասխան, նույն օրենքի 69 հոդվածում նշված գործերով, դիմողը պարտավոր է վճարել պետական փուրք, որպիսի պահանջը դիմողը չի կատարել:

3. Սահմանադրական դատարանի 2-րդ դատական կազմն անհրաժեշտ է համարում կրկին նշել, որ իր որոշումներով (23.01.2009թ., 03.02.2009թ., 05.02.2009թ., 11.02.2009թ.) մերժելով քաղ. Ռ.Թորոսյանի համանման հիմնավորումներով դիմումների (08.01.2009թ. մարից թիվ 4-1, 16.01.2009թ. մարից թիվ 4-6, 16.01.2009թ. մարից թիվ 4-8, 30.01.2009թ. մարից թիվ 4-28) քննության ընդունումը, դատական կազմը պարզաբանել է «Սահմանադրական դատարանի մասին» ՀՀ օրենքի 69 հոդվածի հիմքով ներկայացված դիմումը նույն օրենքի 74 հոդվածի կանոններով քննության ընդունելու, հետեւաբար նաեւ՝ պետական փուրքի վճարումից ազատելու անիրավաչափությունը:

4. Ելնելով վերոշարադրյալից եւ ղեկավարվելով «Սահմանադրական դատարանի մասին» ՀՀ օրենքի 27, 69 հոդվածներով, սահմանադրական դատարանի կանոնակարգի 26 հոդվածի 3-րդ մասով, սահմանադրական դատարանի 2-րդ դատական կազմը

Ո Ր Ո Շ Ե Ց

Քաղաքացի Ռուբեն Թորոսյանի դիմումի քննության ընդունումը մերժել՝ չբավարարելով պետական փուլք վճարելուց ազատելու վերաբերյալ նրա միջնորդությունը:

Նախագահող՝

Անդամներ՝



Հ.Նազարյան

Հ.Դանիելյան

Ռ.Պապայան